

10934



ՀԱՍՏԱՏՈՒՄ ԵՄ՝

Շրջակա միջավայրի նախար

Յ. Մանուկյան



Համբարձում Մաթևոսյան

«29» 09 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 226 - 25

Նախաձեռնող՝

«Համաշխարհային առևտրի կենտրոն Երևան» ՓԲԸ
ք. Երևան, Բաղրամյան պողոտա 2-րդ փակուղի 8 շենք, 41 ոչ բնակելի տարածք:

Գործունեությունը՝

Երևան, կենտրոն վարչական շրջանի Մ. Սարյան փողոց
22 շենք, 2 շինություն և Սարյան փողոց 22 հասցեներում
գոյություն ունեցող շինությունների քանդում (ապամոնտաժում)
ք. Երևան

Առդիր՝ 5 թերթ

- 1-ին մասնաշենքի դռների, միջնորմերի, կախովի առաստաղների, ներքին ինժեներական ցանցերի և սարքավորումների, հատակային ծածկույթների, տանիքածածկույթի, տանիքի կոնստրուկցիաների, հարկերի տուֆե շարվածքի հիմնակմախքի և ծածկի սալերի տարրային քանդում և ապամոնտաժում,

-2-6-րդ մասնաշենքերի վերջին հարկերի ծածկերի սալերի ապամոնտաժում: Ապամոնտաժման աշխատանքներն իրականացվելու է էքսկավատորով:

Շինհրապարակում տեղադրվելու է հակահրդեհային միջոցներով վահան, ցանկապատվելու է ժամանակավոր ցանցով:

Քանդման (ապամոնտաժման) ընթացքում առաջանալու են մի շարք թափոններ.

- շինարարական աղբ (ավազ, բետոն, քար, ապակի և այլն), 2500 տոննա ծավալով,

- յուղոտված լաթեր 15կգ,

- յուղերով աղտոտված ավազ(յուղի պարունակությունը - 15%-ից ցածր)՝ 5 կգ,

- կարծր տեսքով բիտումի և ասֆալտի թափոններ՝ 80 կգ,

-եռակցման աշխատանքների ժամանակ առաջանալու է եռակցման խարամ, կոշտ թափոնատեսակ՝ մոտ 25 կգ,

-թղթի և սովարաթղթի տարատեսակ թափոններ (օրինակ՝ ֆոտոթուղթ պարունակող թափոններ՝ 30 մ³,

-շինարարության փայտանյութի թափոններ, այդ թվում՝ շինությունների քանդելուց և մասնատելուց առաջացած՝ 50 տ,

-կտորների տեսքով սև մետաղներ պարունակող թափոններ՝ 20 մ³, օգտագործման համար ոչ պիտանի չաղտոտված պղնձե հաղորդալար 20 մ³, օգտագործման համար ոչ պիտանի չաղտոտված ալյումինե հաղորդալար 20 մ³ և այլն:

Թափոնները տարածքից հեռացվելու են ամենօրյա գրաֆիկով:

Շինհրապարակում նախատեսված է շինարարական աղբի պահման տարածք, կենցաղային աղբի համար տեղադրվելու են 1x1,5 չափերի 2 մետաղական աղբաման:

Շինհրապարակի տարածքում կատարվելու է մեքենաների անիվների լվացում, ինչի համար նախատեսված է 2 անիվների լվացման հարթակ՝ 4.1x4.24 մ:

Անիվների լվացումից առաջացած նստվածքը՝ ավազը, հեռացվելու է աղբավայր՝ որպես անվտանգ թափոն:

Նախատեսվող գործունեության իրականացման ընթացքում օգտագործվող տեխնիկատրանսպորտային միջոցներն են.

- աշտարակային վերամբարձ կոունկ WA7015, ZOOMLION կամ տվյալ տեսակին համարժեք տեխնիկական տվյալներով՝ 1 հատ,

- ավտովերամբարձ կոունկ KC-45717-1 կամ տվյալ տեսակին համարժեք տեխնիկական տվյալներով՝ 1 հատ,

- էքսկավատոր XCMG XE305D, JCB, JS 305, JCB 1CX կամ համարժեք տեխնիկական տվյալներով՝ 3 հատ,

- ավտոինքնաթափ (ըստ պահանջի),

- բեռնիչ BobcatS540 կամ համարժեք տեխնիկական տվյալներով՝ 2 հատ,

- քարերի հատիչ SPLINSTONE CS-3215 E կամ համարժեք տեխնիկական տվյալներով՝ 4 հատ,

- շարժական կոմպրեսոր Comp air C76 կամ համարժեք տեխնիկական տվյալներով՝ 3 հատ,

- հետահար մուրճ Makita HM 1812 կամ համարժեք տեխնիկական տվյալներով՝ 4 հատ,

- փոքր մեքենայացման միջոցներ՝ 10 հատ,



- ձեռքի էլեկտրական գործիքներ,
- ձեռքի մեխանիկական գործիքներ,
- ատաղձագործական գործիքներ,
- պաշտպանիչ արտահագուստ:

Աշխատողների կոմունալ-կենցաղային նպատակների և ջրցանի համար ջուրը մատակարարվելու է տարածքում գոյություն ունեցող ջրագծից՝ պայմանագրային հիմունքներով:

Գործունեության իրականացման ընթացքում օդային ավազանի հնարավոր աղտոտվածությունը լինելու է կարճատև և թույլատրելի նորմերի սահմաններում:

Քանդման (ապամոնտաժման) ընթացքում աղմուկի և թրթռման մակարդակը կապված է լինելու շինարարական տեխնիկայի, սարքավորումների և տրանսպորտային միջոցների աշխատանքի հետ: Աղմուկի, թրթռումների հիմնական աղբյուր կարող են հանդիսանալ ապամոնտաժման աշխատանքներն ապահովող շինտեխնիկան՝ մասնավորապես էքսկավատորը, որը կրելու է ժամանակավոր բնույթ: Մոտակա բնակելի շինությունների ներսում աղմուկի մակարդակը էքսկավատորի աշխատանքի դեպքում կկազմի 16,8 դԲ, ինչը նորմերի սահմաններում է: Աշխատանքներն իրականացվելու են միայն ցերեկային ժամերին:

Քանդման (ապամոնտաժման) աշխատանքների ավարտից հետո նախատեսվում է իրականացնել տարածքի բարեկարգում:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- քանդման (ապամոնտաժման) փուլում օգտագործվող տրանսպորտային միջոցների լիցքավորումը և տեխնիկական սպասարկումը կատարվելու է տարածքից դուրս՝ հատուկ մասնագիտացված կազմակերպություններում,
- ապամոնտաժման ենթակա տարածքը ցանկապատվելու է, քանդվող շենքերը կծածկվեն համապատասխան բարձրության անթափանց թաղանթով,
- շինադրի և այլ նյութերի տեղափոխումն իրականացվելու է փակ ծածկով մեքենաներով,
- պարբերաբար ստուգվելու է շինարարական տեխնիկայի և փոխադրամիջոցների տեխնիկական վիճակը և իրականացվելու է կարգավորում,
- իրականացվելու է շինարարական հրապարակից դուրս եկող ավտոմեքենաների անվադողերի լվացում,
- քանդման (ապամոնտաժման) ընթացքում ներգրավել աղմուկի առաջացման ժամանակ ցածր ցուցանիշներ ունեցող տեխնիկական միջոցներ, ինչպես նաև դրանք շահագործել տեխնիկական նորմալ վիճակում,
- բոլոր մեքենաներն ապահովված են լինելու համապատասխան խլացուցիչներով,
- քանդման ընթացքում առաջացած շինարարական թափոնները և կենցաղային աղբը տեղափոխվելու է Երևանի քաղաքապետարանի հետ համաձայնեցված՝ հատուկ հատկացված վայր պայմանագրային հիմունքներով,
- ապամոնտաժման աշխատանքների և ճանապարհների շահագործման ընթացքում իրականացվելու է ջրցան,
- բացառվելու է տարածքում թափոնների բաց այրումը,
- օգտագործվող տեխնիկան, սարքավորումները և տրանսպորտային միջոցներն օգտագործվելու են միայն սարքին վիճակում,



- քանդման արդյունքում առաջացած թափոնները տեսակավորվելու են, հանձնվելու են համապատասխան մասնագիտական կազմակերպություններին,
- մետաղական մասերն առանձնացվելու են և որպես մետաղի ջարդոն հանձնվելու են հատուկ մասնագիտացված կազմակերպություններին՝ պայմանագրային հիմունքներով,
- շինաղբի տեղափոխումը կատարվելու է փակ ծածկով ապահովված բեռնատարներով կամ բեռնատարները ծածկվելու են անջրթափանց պոլիէթիլենային թաղանթով,
- բացառվելու է աղբի կուտակումը շփրապարակից դուրս այլ բնակելի և հասարակական տարածքներում,
- աշխատանքները և տրանսպորտի տեղաշարժը կազմակերպվելու է ցերեկային ժամերին,
- բացառվելու է ապամոնտաժման ընթացքում օգտագործվող մեքենաների կայանումը բնակելի տների, այլ հասարակական շենքերի հարևանությամբ,
- շինհրապարակն ապահովված է լինելու հակահրդեհային կրակմարիչներով, տեսահսկման և ազդանշանային համակարգերով, հակահրդեհային միջոցառումների վահանակներով,

Գործունեության իրականացման ընթացքում նախատեսվում է շրջակա միջավայրի վրա բացասական ազդեցության կանխարգելմանը կամ մեղմանն ուղղված մոնիթորինգ.

- իրականացվելու է փոշու և այլ օդի աղտոտիչների արտանետումների որակական և քանակական չափաքանակների պարբերական վերահսկում, ամենօրյա ռեժիմով,
- փոշենստեցման նպատակով նախատեսվում է իրականացնել տարածքի շինարարական հրապարակի ջրցանում՝ օդի դրական ջերմաստիճանի դեպքում պարբերաբար,
- հողային ռեսուրսների որակի ուսումնասիրությունների կատարում, ոչ ուշ երեք ամիսը մեկ անգամ,
- աղմուկի և թրթռումների մշտադիտարկումներ՝ պարբերաբար, երեք ամիսը մեկ անգամ,
- արտակարգ իրավիճակների և աշխատանքի անվտանգություն մշտադիտարկումներ՝ պարբերաբար ամենօրյա ռեժիմով,

Ապամոնտաժման աշխատանքների ընթացքում բնապահպանական միջոցառումների և մոնիթորինգի համար նախատեսված ծախսերը կազմվելու են 4.2 մլն ՀՀ դրամ:

Պատճառաբանական մաս. Օրենսդրությամբ սահմանված կարգով՝ փորձաքննության գործընթացում Երևան քաղաքի Կենտրոն վարչական շրջանի ղեկավարի նստավայրում անցկացված հանրային լսման ընթացքում նախատեսվող գործունեության իրականացումը տեղական ինքնակառավարման մարմնի և հանրային լսման մասնակիցների կողմից արժանացել է հավանության:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, քաղաքաշինության, կադաստրի կոմիտեները, ինչպես նաև Երևանի քաղաքապետարանը:

Ստացված դիտողությունները և առաջարկությունները հաշվի են առնվել հաշվետվության լրամշակված տարբերակում:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմերի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ



իրականացմամբ:

Փորձաքննական պահանջներ

1. Քանդման (ապամոնտաժման) աշխատանքների իրականացման ընթացքում խստագույնս հետևել ՇՄԱԳ հաշվետվությունում ամրագրված բնապահպանական պահանջների և միջոցառումների իրականացմանը՝ ըստ հաշվետվությունում ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:
2. Նախատեսվող գործունեության իրականացման ընթացքում, ՀՀ օրենսդրությամբ սահմանված կարգով, պահպանել արտակարգ իրավիճակների և աշխատանքի անվտանգության կանոններն ու նորմերը:
3. Շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:
4. Շինհրապարակից դուրս եկող մեքենաների անվադողերը լվանալ, իսկ առաջացած կեղտաջուրը հեռացնել՝ միացնելով ջրահեռացման համակարգին:
5. Քանդման (ապամոնտաժման) աշխատանքների ժամանակ, ՀՀ օրենսդրությամբ սահմանված կարգով, պահպանել արտանետվող փոշու և առաջացող աղմուկի ու թրթռումների թույլատրելի մակարդակը:
6. Պարսպապատել շինարարական հրապարակները, իսկ ապամոնտաժվող շենքերն ու շինությունները ծածկել համապատասխան բարձրության անթափանց թաղանթով: Քանդման (ապամոնտաժման) շինարարական թափոնների տեղափոխումն իրականացնել Երևանի քաղաքապետարանի հետ համաձայնեցված:

ԵԶՐԱՓԱԿԻՉ ՄԱՍ

«Համաշխարհային առևտրի կենտրոն Երևան» ՓԲԸ-ի կողմից ներկայացված Երևանի Կենտրոն վարչական շրջանի Մ. Սարյան փողոց 22 շենք 2 շինություն և Սարյան փողոց 22 հասցեներում գոյություն ունեցող շինությունների քանդման (ապամոնտաժման) շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝



Շերիքնազ Մկրտչյան

Հովիկ Մեսրոպյան